

בראשית

א בראשית ברא אלהים את השמים ואת הארץ: ס
 ב והארץ היתה תהו ובהו וחשך על־פני תהום
 ג ורוח אלהים מרחפת על־פני המים: ויאמר
 ד אלהים יהי אור ויהי־אור: וירא אלהים את־
 ה האור כִּי־טוב ויבדל אלהים בין האור ובין
 ה החשך: ויקרא אלהים לאור יום ולחשך קרא
 לילה ויהי־ערב ויהי־בקר יום אחד:
 ו ויאמר אלהים יהי רקיע בתוך המים ויהי
 ז מבדיל בין מים למים: ויעש אלהים את־
 ח הרקיע ויבדל בין המים אשר מתחת לרקיע
 ח ובין המים אשר מעל לרקיע ויהי־כן: ויקרא
 אלהים לרקיע שמים ויהי־ערב ויהי־בקר יום
 שני:
 ט ויאמר אלהים יקוו המים מתחת השמים אל־
 י מקום אחד ותראה היבשה ויהי־כן: ויקרא
 יא אלהים ליבשה ארץ ולמקנה המים קרא ימים
 יא וירא אלהים כִּי־טוב: ויאמר אלהים תדשא
 יב הארץ דשא עשב מזריע זרע עץ פרי עשה
 יב פרי למינו אשר זרעו־בו על־הארץ ויהי־כן:
 יג ותוצא הארץ דשא עשב מזריע זרע למינהו
 יג ועץ עשה־פרי אשר זרעו־בו למינהו וירא
 יג אלהים כִּי־טוב: ויהי־ערב ויהי־בקר יום
 שלישי:
 יד ויאמר אלהים יהי מארת ברקיע השמים
 יד להבדיל בין היום ובין הלילה והיו לאתל
 טו ולמועדים ולמים ושנים: והיו למאורת ברקיע
 טז השמים להאיר על־הארץ ויהי־כן: ויעש
 אלהים את־שני המארת הגדלים את־המאור
 הגדל לממשלת היום ואת־המאור הקטן
 יז לממשלת הלילה ואת הכוכבים: ויתן אתם
 אלהים ברקיע השמים להאיר על־הארץ:
 יח ולמשל ביום ובלילה ולהבדיל בין האור ובין
 יט החשך וירא אלהים כִּי־טוב: ויהי־ערב ויהי־

בקר יום רביעי:

כ ויאמר אלהים ישרצו המים שרץ נפש חיה
 ועוף יעופף על־הארץ על־פני רקיע השמים:
 כא ויברא אלהים את־התנינים הגדלים ואת כל־
 נפש החיה הרמשת אשר שרצו המים
 למינהם ואת כל־עוף כנף למינהו וירא אלהים
 כב כִּי־טוב: ויברך אתם אלהים לאמר פרו ורבו
 כג ומלאו את־המים בימים והעוף ירב בארץ:
 ויהי־ערב ויהי־בקר יום חמישי:

כד ויאמר אלהים תוצא הארץ נפש חיה למינה
 כה בהמה ורמש וחיית־ארץ למינה ויהי־כן: ויעש
 אלהים את־חית הארץ למינה ואת־הבהמה
 למינה ואת כל־רמש האדמה למינהו וירא
 כו אלהים כִּי־טוב: ויאמר אלהים נעשה אדם
 בצלמנו כדמותנו וירדו בדגת הים ובעוף
 השמים ובבהמה ובכל־הארץ ובכל־הרמש
 כז הרמש על־הארץ: ויברא אלהים את־האדם
 בצלמו בצלם אלהים ברא אתו זכר ונקבה
 כח ברא אתם: ויברך אתם אלהים ויאמר להם
 אלהים פרו ורבו ומלאו את־הארץ וכבשה
 ורדו בדגת הים ובעוף השמים ובכל־חיה
 כט הרמשת על־הארץ: ויאמר אלהים הנה נתתי
 לכם את־כל־עשב זרע זרע אשר על־פני כל־
 הארץ ואת־כל־העץ אשר־בו פרי־עץ זרע זרע
 ל לכם יהיה לאכלה: ולכל־חית הארץ ולכל־
 ל עוף השמים ולכל רמש על־הארץ אשר־בו
 נפש חיה את־כל־יִרְק עֵשֶׂב לְאֹכְלָה ויהי־כן:
 לא וירא אלהים את־כל־אשר עשה והנה־טוב
 מאד ויהי־ערב ויהי־בקר יום השישי: